

八瓊室金石補正

八瓊室金石補正卷一百九

太倉陸增祥撰

男 繼輝校錄

吳興劉承幹覆校

宋 二十八

劍南東川靈護廟記

高七尺廣四尺八寸四十九行行存六十四至七十四字不等字徑八分許正書篆額橫列題劍南東川靈護廟記八字在三臺

劍南東川靈護廟記

崇寧二年十一月八日劍南東川被

旨以唐

東

川節度使檢校太保同中書門下平章事

顧公彦亮□□□從其

弟檢校司空東川節度使彦暉祠載在祀典粵十一月

二十一日奉

勅宜賜靈護廟為額從所請也 命下之日郡

人歡呼鼓舞相率詣守□王吉甫求文以□其事吉甫

辭不能文而郡人勤請不已乃採□輿議□故實以

為之記曰缺□□形勢□□□□□地居要害唐室

之衰朝綱弛紊號令不及於王畿禮樂征伐自方鎮出

大者連州數十小者憑城負固以眾併寡以弱臣強天

下日尋於干戈而東西缺以安民立□□□□者□矣

是時王建凶暴擄二十萬之衆橫行於成都□閬之間

甲兵犀利所向無前磨牙礪吻有吞噬并包之心

顧公伯仲豪邁英傑□缺節旄爲東缺太保□□□之

以貲□申之以婚□卑辭厚禮求得其歡心者無所不

至蓋欲□□緩師與民休息以紓患爾爲此者所以詭

與之合也既而□之以財幣則不得免焉結之以姻□

則缺□□□□□□□□之□□擊輜運以沮其憤悍

□□之氣爲此者所以顯與之絕也昔古公居邠狄人

侵之去之邑于岐山之下居焉從之者如歸市子思居

於衛有齊寇缺守□古公有可遷之地以康保斯民而

子思則盡臣道以致其身而已方建之圍東川也

公豈不知棄城□□以自全邪乃獨抗節固守城在與

在民亡與亡以至力竭缺然雷□雲紛紜□□□所在

皆是也吾何行如之是則古公□□山□水滸以□難

之迹不可遷期也明矣況土地者吾所受於君而有之

者也人民者所與保此者也缺於□□生而取義者吾

之節也公雖容詳緩有儒者風豈慕子思之居守

乎真可謂仁者之勇也嗟乎太保司空之志

節如此而史傳不深□其卒未得缺東川士人□壽朋

等狀列公之行事□□前後連名叙述上聞於

朝廷下訴于本州者多至千人少猶數百章累

上而每為執事者所却壽朋等□□於缺之間未始一

日而怠于陳請也秦漢以還下暨唐季守茲土者莫知

其幾何人寥寥千載廟祀血食者惟公伯仲豈非

功德之被於人者深□□之表于世者著而然歟不缺

□□之若是也□按都顧公祠宇郡人呼為

二相公廟乃疇昔□□□□之故基當建攻城垂破

之日司空率將佐親從會飲于□堂□□□□以

寄□□缺於賊也太保有□□□民之功

司空□□□□□□之□心□□□東川忠蓋罄於王室

既沒而東川之人思之為之立廟於死事之所歲時奉

祀以迄于今□□缺九重□□降香為民祈禱□漢高

祖之追甄□□□□□□□□□□□□□□□□以加

也然而廟額未崇祀典不載將何以旌偉績於既往揚

芳烈於無窮又且何以缺□□□吉甫到官視事之始

觀風謠問耆考□□□化民無疾苦□□□□□之□□

則曰畏吾顧公之英嚴不敢犯也設有爭者不訟

於官府而質於廟廷往往缺顧公之□□□不敢為也苟

有盜者不報於司寇而祈於祠下往往應祈而必得也

倉庫完實而無耗暴之患則曰顧公之禁止雀鼠

使不得咏食也邊境安靜而無缺掠也以至里無□□

則日顧公之保祐吾民俾□疫不□也野無餓殍

則日顧公之惠澤吾民俾風雨以時也闔境之內

□□神休人□賢□交□缺而郡人丐所以崇□

□□至或連□屢請而不報豈□□不得其要將言之

不深切著明邪抑□□賁賜固自有時而發揚德□亦

有□□邪則王之設廟額也缺故□面伯有清明之

德繼熙之典而其所祀之廟亦□徵□以為之表清廟

之詩是也然則廟必有名所以崇之也先王之□祭也

必有功於民則祀之以死□缺令出於天子而載之典

冊故謂之祀典非其所載而祭之名曰

淫

祀淫祀

無

福

然則紀載

冊書而以時祀

之其為禮命顧不

重歟

比

□

□□一以

空四格缺

與夫祈

禱

有應

而不

載

祀典

者各以名聞于

朝廷

□加

□□

以助生民之

福吉甫詢考

二相公廟神靈顯著之

迹

□□□□

□□□□

□□以繼惠

之義

不敢

缺

察判官

廳

公事崔瑄

□□

□□

郎□□節度判官廳公事何宗韓節度推官宇文□□

祈

請

庇民之

□□

祈

禱

有應靈迹以上之

□□不□□定于太常曰祀

缺

是乎

□□

僉

曰然乃具以聞

空

制曰可於是郡人相與相與飾廟宇而題之尙祈正聖

德照覆照俾雨暘時若年穀順成災害不生無天

惡以咎案禮命之意恭惟太保

缺節以死事沒而廟食於此上捍患於一方

永隆無固非寡聞鄙陋之人所能次其髣髴也吉

甫後司空二百餘年假守東蜀敬覽壽朋等

保缺司空盡節之後親屬寮吏從公死

義皆無在者史筆但憑怨家仇人所記之事書之簡

試略舉其行事之大者一二以明之則其餘可以類推

矣且如卒傳稱缺之師以撥亂反正乎此

其勲烈之尤著者庶幾乎桓文之□□固當□□□□

以示□□而其所紀述止如此則於勸善揚功之義缺

矣又如太保被命節度東川□□□□缺敬瑄之

罪固不容誅而嫌隙之端亦啓於此矣他日王建□成

都□敬瑄以太保與建并力告難於朝前嘗奪節

見誣今其告難之辭詎可信乎至若王建率兵二十萬

□□□缺不解又遣李洵諭止而建復拒命則不臣之

罪在建而不在司空也灼然矣又書梓州圍急

司空願王宗□曰可自求生指顏垣令逸然則將佐

之欲逖逃者豈無可□之缺一人苟免者可謂能得士

心生死共之矣今乃書其誓約曰□□□□□□□□

也乃與請欲死難之事相矛盾矣善乎王

肅之評桓公殺公子糾召忽死之而其辭有缺許不歎

美其言之是者而三復之以為篤論之君子也士之以

身許忠命斯事者矣而好無根之語

疵之異夫君子成人之美其亦近於薄矣又書城破之

日寮缺能摧堅陷敵而謂司空之無能為爾且禽

困覆車古人嘗有是喻豈握七出

一旦之勝負顧乃安坐園城之中以自盡者乎此雖

愚庸無復計缺之之兵恭行天

討師之所至如道枯拉朽未有不因□□□□□□兵

而□□□□□□其□□同心與夫士卒之衆死□□

事矣至於守禦拒敵窮□危困然後缺謂□傳所□□

□□□□□之辭若非憑怨家仇人之所記必不如是

之甚也□□□人而□□□□□□□□其□□

□則詢考之際一憑於仇人之辭而已苟欲加誣何所

不可聽□者缺□□□得其也□□□□□□夫

由是益知書傳之不可盡信孟軻亦嘗曰吾於武成取

二三策而已是誠有痛於斯言其或徇名顧義視死如

歸者此固天下烈丈夫之□□若處之不得缺□□□

□□□□□是□□生之□□□□□之最難者也世

□□□□□之士□□顧身□□□□□天下

之爲人臣者□□□□□要□濡忍貪懦之夫方且竊笑

而心非之甚者□□缺□□□□□□□□□而□□

也昔杜牧圍□□使君□沒恨不□□□□□□□□

□□□□□忠義所□古今同□□□□意於

斯文以道感槩之□心而已仰惟忠貫白缺□□□□

□□□□□千兔之毫不足以既其實揭南山

之竹不足以□其□□揚□而□□□伯夷特立獨行

餓死于首陽之下柳下惠直道事人三黜而不去父母

之邦孔子稱其仁缺稱其□□□□於三□□孔孟

□西山□□夫東□□繼臣□張巡□□□□

□□睢陽之卒□□□□之軍保障江淮使不得

□軼而南糧盡失□外救不至城陷被擒不屈而缺

□未□□□□□□□□作俾以明之□□紛紜之

論乃忌公之□□□□□□□□司

空□□□方沈淪於下□于茲有年矣□□□□

□□□□世發□□缺□□□□為有休

光□□而□□以明□然則昔日之沮抑乃所以啓今日

之□□□獨為今日之光榮□□以□□百代而不為

也至若巡遠□□於睢陽□□之□□□□乎缺□引

張□□□□之功存識慮之所□必有能辯之者是

以不□□□□□□又稱□□死□而言之曰□□

□自□於□□□豈□軍□客聞之慕義而□死者五

百餘人太史公高其缺□□睢陽□□吏三十六人

□□降□□同日□害□中□□其功□□□□□□

□□門公在危城之中將佐門生信以死而無異

心及圍且急咸同日以徇□□□之感人也由缺

□賢也而其察蜀亦皆天下之節士也夫夫也豈斯人

之徒可以無愧於田氏之客及睢陽之將吏矣於是又

知公之能得士也崇寧三年正月二十三日朝請

大夫

攝

知梓州軍州兼管

缺

州州州州軍兵巡

撫

賊盜

公

事騎都尉

借

紫王吉甫

碑拓未全三巴香古志載有此記五十行行存八
十三字十七行下有人字廿四行有未字廿八行
有司已以字卅四行有安於淳厚每字卅五行有
王建之後字卅六行有謂司空一字卅七行有言
以及之何字卅八行有或不能悉其字卅九行有
其當死字四十一行有日志被秋霜字四十二行
有而名字四十三行有死功在字四十五行有司

空仗節於字四十六行有事士之死字四十七行
有是觀之非獨字四十八行有內勸農事字五十
行有知州事字俱未見也記之拓本多泐據以偏
注者三百十字補十字正五字闕疑八字

脩東岳廟行廊記

高二尺五寸廣一尺六寸記十五行行卅三字末
二行行字不一字徑五分行書在魯山三鴉街

缺
行廊記

睢陽王志道撰

在標
題下

里人李安者素不干□□而□□善人也嘗不幸爲塵
娘許媼以□言成訟逮繫月餘不決李□娃奸中□□

此帝神曰李安誠無辜若早獲靈護開釋□於祠左
竭力勸建東廊以□□□是□白官吏□□得姦李既
蒙蠲放輒逡巡恐懼而不敢□其願且□方□將以□
□□□市□□□□効□廊□僅成六間通架椽百
七有六其受指脊端百丈□始□終□董者弗□□敢
再□恃孝敬以同德其助者弗知費也竟勤愉而夙成
俄然翼布青白矢分髹□聖削基引級刻楚磨砌粗完
一序之襟□而式先壯□矣□□□□□□心者猶
能感憤□於廣庭大廈之間□補萬分之一也□何設
□哉又□□好德之士可不動心乎噫夫廟自久廢

修治必自二李而□□□□□有日矣□是李安□
□刊記也李安慨然謂僕曰□□人□功微子亦可爲
安□□乎僕應之曰事無巨細以□□□□目擊其
事之端□甚□□□其□神錫福降殃之靈暨人乃
作善爲惡之報□□紀之宜矣今□安□門益休□產
益盛彼所謂塵娘許媪者不旋踵而流離餓殍迨斃而
終不遭埋燬鳴□惟神果能禍福善惡也豈其驗歟
僕忝忠良之後惟不憚聞見虛妄又安能於筆舌之間
而可自妄乎此則非故神其事也固當神其所以事云
爾謹記

崇甯三年二月廿七日立

工部侍郎孫彭城劉休書 梁進 張通立刻字

重刊漢車騎將軍馮緄碑

高七尺廣八尺八寸八分碑文十四行行廿六字分
書後序十三行行六十六字正書篆額高一尺八寸
二行行五字題漢故車騎將軍馮公之
碑十字在四川渠縣龍驤山濟遠廟

君諱緄字皇卿幽州君之元子也少耽學
問習父業治春秋嚴韓詩食氏兼律大杜
弱守詔除郎還□仕郡歷諸曹史督郵主
簿又官掾功曹舉孝廉除右郎中蜀郡廣
都長逼直羊亂以德綏撫□化亦行到官

西載功稱顯著郡察廉吏州舉尤異遷棧

為武陽令誅疾彊豪以公去官部廣滋別

駕治中從事辟司空府侍御史御史中丞

習使徐楊二州討賊范容朱生徐鳳馬兔

張嬰等坐迫州郡進兵正法擢辟司徒府

廷尉左監正治書侍御史廣漢屬國都尉

隴西太守坐問吏辜自不分去官以羗駟

動為西府所表復家拜隴西太守上病辟

同產弟歆議郎復治書侍御史尚書遼東

太守廷尉太常車騎將軍率征五漠蠻夷

黃加少高相法氏趙伯潘鴻等斬首萬級
沒溺以千數降者十萬人收逋寶布卅萬
正不費官財振旅還師臨當受封以謠言
奏河內太守中常侍左悺弟坐遜位拜將
作大匠河東尹頊拜廷尉表荊州刺史李
隗牽陽太守成晉太原太守劉頊不宜以
重論坐正法任左校後詔書特賞拜屯騎
校尉復廷尉奏中臣子弟不宜典牧州郡
獲過左右遜位永康元年十二月薨一要
金紫十二鉅艾七墨綬

將軍體清守約既未遷塋遺令墳塋取減
刑而已不造祠堂可謂履真者矣恐後人
不能紀知官所吏歷故刊石表績以哭來
世
孝桓皇帝以命將軍討此疆肅有桓桓烈
烈之姿曰謚為桓

濟遠 馮將軍舊碑後序

馮公靈跡異効渠人受其賜爲日久矣獨墓銘不知所
在稟自崇甯改元來守宕渠下車之始躬率僚佐敬謁
神祠凡有禱祈無不立應稟嘗感其錫祐顯著

於渠□者多每與流江知縣奉議蒲希尹更訪其實

旌其功德一日郡進士李權趙甫或得其碑於

史君鄉南陽村字書點畫雖漫滅殘缺然猶髣髴可辨

而李權來告□曰馮公墓銘埋漫于□土者幾

千餘年今方得之豈非神之靈異待公而顯乎

稟甚嘉其言而李權當年預鄉薦趙甫登進士第

神之靈効茲爲明□自得其銘之後一郡之內年穀

□豐歲無荒歉人少疾疫神之降福已昭昭然

夙夕於此懼無以報神之所賜一日而渠之鄉

官民吏董察宣義等列狀具神之豐功美績曰

應民□卽東漢之名臣生有功於國歿有惠於

民固宜褒優顯加爵命稟乃應其誠而爲之申請蒙

朝廷將加王爵先賜廟額曰濟遠茲可以見神

之顯効豈小補哉稟竊恐其歲月深遠碑銘漫滅不足

以彰神之休功遂與縣宰蒲希尹命工增葺□

□□勒舊銘于石以爲後人之樂觀噫□明正直依

人而行者神也馮公之靈信亦有所待矣崇甯

三年三月初五日歷下張稟謹序

進士張鈞鄉貢進士杜常進士丁權同模字

進士任忠亮□丹

將仕郎州學教授安忱篆額

從事郎軍事推官蒙汲監修

奉議郎知流江縣事賜緋魚袋蒲希尹立石

朝奉郎知渠州軍州兼管内勸農事飛騎尉賜緋魚
袋借紫張稟

右漢車騎將軍馮緄碑以范氏後漢書考之史云字
鴻卿而碑云皇卿史云初舉孝廉七遷至廣漢屬國
都尉拜御史中丞順帝末持節揚州諸軍事與中郎
將滕撫擊破羣賊今據碑自舉孝廉至爲廣漢屬國
都尉凡十一遷而爲中丞與督使徐揚二州討賊皆

在爲都尉前碑云討賊時坐迫州縣

祥案碑作郡

正法而

史不載又云爲隴西太守坐問吏辜旬不分去官以
羌駭動爲四府所表復家拜隴西太守而史但言遷
隴西太守爾史云爲遼東太守徵拜京兆尹轉司隸
校尉遷廷尉太常拜車騎將軍以碑考之緄爲遼東
太守以前嘗爲治書侍御史遷尙書遂爲廷尉未嘗
拜京兆尹及司隸也史云振旅還京師監軍使者張
敞承宦者原作官旨奏緄請下吏案理補五字會長沙賊
復起攻桂陽武陵緄以軍還盜賊復發策免而碑云
臨當受封以謠言奏河內太守中常侍左悺弟坐遜

位史云復拜廷尉時山陽太守單遷以罪繫獄緄考致其死遷故車騎將軍超之弟中官相黨遂共誹章誣緄坐輸左校而碑云表荊州刺史李隗南陽太守成晉太原太守劉瓚原作填不宜以重論坐正法作左校亦皆不合史又云爲河南尹時上言舊典中官子弟不得爲牧人職帝不納後拜屯騎校尉復爲廷尉卒于官而碑云復廷尉奏中官子弟不宜典牧州郡獲過左右遜位永康元年薨亦當以碑爲正碑又云緄諡曰桓而史亦不載予嘗謂石刻當時所書其名字官爵不應差誤可信無疑至於善惡大節則當以

史氏爲據今此傳首尾顛倒錯謬如此然則史之所載是非褒貶失其實者多矣果可盡信邪

金石錄

右漢故車騎將軍馮公之碑篆額今在渠州馮公名緄巴郡宕渠人碑云字皇卿而本傳作鴻卿傳云舉廉七遷爲都尉中丞持節督討揚賊守隴西遼東爲京兆司隸廷尉大常車騎以長沙賊復作策免起爲將作匠河南尹廷尉坐考殺單遷謫左校再爲屯騎廷尉卒官其遷緄及物故先后與碑甚矛盾威宗以命將武功定諡緄亦虎臣之一云此適當其時故作文者以帝諡書左方趙氏以爲緄有此諡而史不載

誤也碑云一要金紫十二銀艾緄終於廷尉而以將軍題碑者尊金紫也帝紀揚徐賊范容周生寇城邑遣中丞馮赦督州郡兵討之以緄爲赦紀之誤也許曼傳云隴西守馮緄始拜郡開綬笥有兩赤虵分南北走曼筮之曰三歲後爲邊將官有東名當東北行三千里后五年爲將軍南征延熹元年緄守遼東討鮮卑至五年拜東騎擊武陵蠻却與碑合水經宕渠不曹水下注潛水縣有馮緄及桂陽守李溫冢二子之靈常以三月還鄉水暴長郡縣民莫不祭於水上謂之馮李比異聞也碑以疆爲疆刑爲形衷瑩誣即

表瑩謚字漢史成晉劉瓚作成璿劉質

隸釋

馮緄碑篆額二行十字有穿在第五字之中文十四行行三十四字將軍體清守約平闕後空三行書威

宗得謚之因

隸續

隸釋云在渠州字原云墨寶作達州此碑與馮煥神道馮煥殘碑告馮煥詔皆在渠州流江縣達州永睦縣之間鄭靄先在夔路得之故墨寶作達州實渠州境按渠州達州今皆爲縣一屬順慶府一屬夔州府流江永睦二縣今廢其地一併入渠縣一併入達縣

隸辨

碑經重刻謬誤甚多倉氏倉誤食遭直遭誤逼劉
瓚瓚誤項作左校作誤任歸基歸誤遷更歷更誤
吏还作正謠作謠悉作畀其餘點畫舛錯者不悉
舉仕郡上所缺是更字化流行上是政字馮緄後
漢書有傳父煥安帝時爲幽州刺史碑所謂幽州
君者煥也碑云討賊范容朱生徐鳳馬勉張嬰等
按范容等名俱見滕撫傳惟史作周生碑作朱生
爲異碑又云南征五溪蠻夷黃加少高相法氏趙
伯潘鴻等斬首萬級云云案桓帝紀延熹三年武
陵蠻寇江陵車騎將軍馮緄討皆降散五年十月

武陵蠻叛江陵以太常馮緄爲車騎將軍討之十一月馮緄大破叛蠻於武陵南蠻傳延熹三年遣車騎將軍馮緄討武陵蠻並皆降散與碑同而碑所述爲詳至蠻酋之名惟潘鴻一人見度尙傳耳碑又云奏荊州刺史李隗南陽太守成瑨太原太守劉瓚云云按紀延熹九年南陽太守成瑨太原太守劉質並以譖弃市事見陳蕃岑暉王允蔡衍等傳成瑨字幼平陝人劉瓚字文理高唐人瑨以收捕張汎瓚以考殺趙津皆致死李隗事未審其詳紀傳作瑨與碑異傳作瓚與碑同紀作質與傳

碑俱異碑又云以謠言奏河內太守中常侍左悺弟坐遜位按紀云六年八月車騎將軍馮緄免碑言遜位蓋六年八月也紀不言何事而傳與碑異又按李膺傳膺輸作左校尉時緄祐得罪輸作司隸校尉應奉上疏云前廷尉馮緄大司農劉祐河南尹李膺執法不撓誅舉邪臣肆之以法衆庶稱宜攷祐以科役蘇康管霸田業膺以奏理羊元羣貪穢然則緄之得罪當因考殺單遷與本傳相合碑何以獨異井不及單遷一事金石錄謂史之錯謬或不盡然碑又云爲四府所表攷玉海漢制太

傳三公大將軍謂之五府東京樊準當永初初元上疏曰五府調省中都官吏章懷注云太傅太尉司徒司空大將軍也五府辟張楷辟黃瓊所注皆同或缺其一則謂之四府如永初中虞詡曰宜令四府九卿合辟涼州數人更集四府皆從詡議永和三年令大將軍三公各舉故刺史二千石及四府掾屬建和初四府薦趙典是時皆缺太傅故章懷注典傳云太尉司徒司空大將軍府也然詡傳注又謂太傅太尉司徒司空者或未深究邪又永建年四府舉應奉順帝末种暲奏請敕四府云云

桓帝時有上書言鑄大錢事下四府熹平四年四府選盧植才兼文武後四府又舉中平年鄒靖言烏桓事下四府凡此皆稱四府蓋缺其一也疆作疆疆疆或通用尔疋疆圉釋文云本或作疆左氏傳遠啟疆楚語作疆史記越王無疆越絕書作疆漢書文帝紀楚元王傳司馬相如傳集注皆云疆讀曰疆釋名疆畛也亦卽以爲疆字形作刑李翊碑樵刑李翊夫人碑收刑靈臺碑隱刑孫叔敖碑掩其刑無刑皆與此同急就章賡膾炙載各有刑王氏音釋云刑師古本作形易其刑渥集解云今

本刑作形荀子刑范正注云刑與形同亦有以形爲刑者荀子形是詰注云形當爲刑高彪碑形不妄濫形與刑古蓋通用諡作誼與衡方碑以誼旌德同悲同祕字詩悲彼泉水釋文韓詩作祕衡方碑祕將來與此同義

大悲成道傳贊

高六尺八寸五分廣六尺傳廿七行行六十二三字贊七行行六十字年月一行字徑七分橫額存悲之傳三字並正書在紹興府學

前臣既至妙善聽命卽謂尼衆汝等速避吾當受誅妙善乃出就死將嬰刃次龍山山神知妙善大權菩薩將

證道果救度衆生無道父王誤將斬首以神通力

缺冥

暴風雷電攝取妙善置於山下使臣既失妙善所在馳
奔奏王王復驚怒驅五百軍盡斬尼衆悉焚舍宇夫人
王族莫不慟哭謂女已死欲救無及王謂夫人曰□勿
哀哭此少女者非我眷屬當是魔怪來生我家朕得除
去妖魔甚可爲喜妙善既以神力攝至龍山之下環視
無人卽徐步登山忽聞腥穢又念山林幽寂安有□氣
山神化爲老人見妙善曰仁者欲往何所妙善曰我欲
入此山脩道老人曰此山之中乃鱗介羽毛所居非仁
者脩行之地妙善曰此名何山曰龍山也龍居此山故

以名之此去西嶺若何曰亦龍所居是故謂之小龍山
惟二山之中有一小嶺號曰香山此處清淨乃仁者脩
行之地妙善曰汝是何人指吾居處老人曰弟子□人
也乃此山神仁者將證道果弟子誓當守護言訖不見
妙善乃入香山登頂四望闐無人蹤卽自念言此處是
吾化緣之地故就山頂葺宇脩行草衣木食人莫□知
已三年矣爾時父王以是罪業故感迦摩羅疾徧於肩
體寢息無安出國妙醫不能救療夫人王族夙夜憂念
一日有異僧立於內前曰吾有神方可療王病左□聞
語急以奏王王聞召僧入內僧奏貧道有藥救王疾病

王曰汝有何藥可治吾病僧曰貧道有方應用兩種大藥王曰如何僧曰用無嗔人手眼可成此藥王曰□毋戲論取人手眼寧不嗔乎僧曰王國有之王曰今在何處僧曰王國西南有山號曰香山山頂有仙人脩行功著人無知者此人無嗔王曰如何可得其手眼僧□它人莫求惟王可得此仙人者過去與王有大因緣得其手眼王之此疾立愈無疑王聞之乃焚香禱告曰朕之大病果獲痊平顛此仙人施我手眼無所吝惜禱□卽令使臣持香入山使臣至已見茅庵中有一仙人身相端嚴趺坐而坐卽焚妙香宣王勅命曰國王爲患迦摩

羅疾及今三年竭國神醫妙藥莫能治者有僧進方用
無嗔人手眼乃可成藥今者竊聞仙人脩行功著諒必
無嗔敢告仙人求乞手眼救王之病使臣再拜妙善思
念我之父王不敬三寶毀滅佛法焚燒刹宇誅斬衆
招此疾報吾將手眼以救王厄既發念已謂使臣曰汝
之國王膺此惡疾當是不信三寶所致吾將手眼以充
王藥惟願藥病相應除王惡疾王當發心歸向三寶乃
得痊愈言訖以刀自抉兩眼復令使臣斷其兩手爾時
徧山震動虛空有聲贊曰希有希有能救衆生行此世
間難行之事使臣大怖仙人曰勿怖勿怖持我手眼還

報於王記吾所言使臣受之還以奏王王得手眼深生

慙愧令僧合藥王乃服之未及旬日王病悉愈王及夫

人戚里臣庶下逮國人皆生歡喜王乃召僧供養謝曰

朕之大病非

師

莫救僧曰非貧道之力王無仙人手眼

安得愈乎王當入山供謝仙人言訖不見王大驚台掌

曰朕之薄緣乃感聖僧來救遂勅左右朕以翼日往詣

香山供謝仙人明日王與夫人二女宮族嚴駕出城來

入香山

至

仙人庵所廣陳妙供王焚香致謝曰朕嬰此

惡疾非仙人手眼難以痊愈故朕今日親携骨肉來詣

山中供謝仙人王與夫人宮嬪皆前瞻覩仙人無有手

眼恁生哀念以仙人身不完具由王所致夫人審問瞻
相謂王曰觀仙人形相頗類我女言訖不覺哽噎涕淚
悲泣仙人忽言曰阿母夫人勿憶妙善我身是也父王
惡疾此奉手眼上報王恩王與夫人聞是語已抱持大
哭哀動天地曰朕之無道乃令我女手眼不全受茲痛
楚朕將以舌舐兒兩眼續兒兩手顛天地神靈令兒枯
眼重生斷臂復完王發顛已口未至眼忽失妙善所在
爾時天地震動光明晃耀祥雲周覆天樂發響乃見千
手千眼大悲觀音身相端嚴光明晃耀巍巍堂堂如星
中月王與夫人宮嬪覩菩薩形相舉身自撲撫膺號慟

揚聲懺悔弟子肉眼不識聖人惡業障心願垂救護以
免前愆弟子從今以往迴向三寶重興佛刹願菩薩慈
悲還復本體令我供養湏臾仙人復還本身手眼完具
趺坐合掌儼然而化如入禪之王與夫人焚香發願弟
子供辦香薪開維聖體還宮造塔永永供養王發願已
乃以種種淨香圍繞靈軀投火燃之香薪已盡靈軀屹
然舉之不動王又發願必是菩薩不肯離於此地欲令
一切衆生見聞供養如是言已與夫人昇之卽時輕舉
王乃恭置寶龕內菩薩真身外營寶塔莊嚴葬于山頂
庵基之下與宮眷在山守護晝夜不寢久乃歸國重建

梵宇增度僧尼敬奉三寶出內庫財於香山建塔十三
層以覆菩薩真身弟子蒙師問及菩薩靈蹤略述大指
若夫菩薩微密應化非弟子所知律師□問香山寶塔
今復如何天神曰塔久已廢今但止浮屠而已人罕知
者聖人示跡興廢有時後三百年當重興耳律師聞已
合掌贊曰觀音大士神力如是非菩薩□願廣大莫能
顯其跡非彼土眾生緣熟不能感其應巍巍乎功德無
量不可得而思議哉命弟子義常誌之實聖厯二年仲
夏十五日也

贊曰香山千手千眼大悲菩薩乃觀音化身異哉

元苻二年仲冬晦日余出守汝州而香山實在境
內住持沙門懷晝訪予語及菩薩因緣已而持一
編書□且言此月之吉有比邱入山風兒甚古三
衣藍縷問之曰居於長安終南山聞香山有大悲
菩薩故來瞻禮乃延館之是夕僧遽塔行道逮旦
已乃造方丈□晝曰貧道昔在南山靈感寺古屋
經堆中得一卷書題曰香山大悲成道傳乃終南
宣律師所聞天神之語叙菩薩應化之跡歲之積
年晚聞京西汝州香□卽菩薩成道之地故跋涉
而來冀獲瞻札果有靈蹤在焉遂出傳示晝晝自

念住持於此久矣欲求其傳而未之得是僧實携
以來豈非緣契遂錄傳之□日既暮僧輒告去固
留不止遂行晝曰日已夕矣彼僧何詣命追之莫
知所止晝亦不知其凡耶聖耶因以其傳爲示予
讀之本末甚詳但其語或俚俗豈□常者少文而
失天神本語耶然至菩薩之言皆卓然奇特入理
之極談予以菩薩之顯化香山若此而未有傳比
余至汝其書適出豈大悲付囑欲予譔著□遂爲
論次刊滅俚辭采菩薩實語著于篇噫天神所謂
後三百年重興者豈在是哉豈在是哉

元符二年歲次庚辰九月朔書

崇寧三年五月二日杭州天竺寺僧道育重立

朱炳男□同□

詳繹文義及碑額題字其前皆有闕文疑當時刻石
不止一碑或此碑兩面拓者遺其前耳碑爲崇寧三
年僧道育重立贊內有元符二年仲冬晦日余出守
汝州之語未列姓氏不知何人所書

兩浙金石志

是碑宋僧道育重刻在武林天竺者不知何時移至

紹興

祥案天竺僧立未必定在天竺

右邊截去數行故傳文不全額

題亦闕一大字

祥按或是重立大三字阮氏疑刻石不止一碑底幾近之

傳爲唐

釋道宣弟子義常所撰其作贊書石者不著名氏疑列銜右方併遭截去偶檢朱弁曲洧舊聞乃知爲蔣之奇守汝時作之奇宋史有傳

越中金石記

訪碑錄云韋義撰未知所据疑義常誤倒而又誤常爲韋也當云唐僧義常撰傳乃爲得之阮氏載此碑化爲老人脫爲字使臣受之臣誤作人遂勅左右脫勅字與夫人昇之昇者昇之俗誤作昇敬奉三寶奉誤作恭思議哉哉誤作者常者少父父誤作久遂爲論次論誤作倫其餘闕字皆在下截

當是拓本不完之故贊內三衣藍縷三疑衫之誤

渠州濟遠廟封惠應王牒

高一尺二寸廣一尺九寸廿四行
行字大小均不一正書在渠縣

勅渠州漢車騎將軍

又加封惠應王告牒

渠州濟遠廟應民公

右可特封惠應王

勅朕每務推仁政以育群生而所不能必者水旱之
來故誠信以交神神保是格則雨暘以時應求而至
民不敢薄神之賜顧無以報則告于有邦君子朕惟

有土之守與民同休歲則敬聽其言錫神之號盼封
列爵冠服之儀秩以命數所以荅揚神休而丐神之
終惠也惟神其亦不閤其靈以對寵命以助予仁民
愛物之政可依前件

崇甯三年九月二十六日

中書令闕

中書侍郎臣吳居厚宣奉

中書舍人臣劉正夫行

奉

勅如右牒到奉行

崇甯三年九月二十七日

侍中 闕

司空兼門下侍郎 京

門下侍郎 挺之

漢車騎將軍者馮緄也先封應民公至是晉爵爲
王號曰惠應廼有是敕而刻石以紀之與民同休
歲歲蓋成之誤

徽宗賜辟雍詔

高二尺五寸廣三尺一寸十五行行廿一字字徑八
分額高一尺七寸兩行題皇帝賜辟雍詔六字並正
書在陵
縣學

朕嘉在昔善天下之俗勸功樂事尊君親上莫不受成
於學命鄉論秀比其德行而與其賢能崇德黜惡人有
成材逮至後世士失所養家殊俗異未之有革惟我
神考若稽先王建置校學罷黜詩賦訓釋六藝首善於
京師矣朕追述

先志夙興夜寐罔敢墜失思與有德有造之士共承之
遂詔所司推原

熙豐三舍之令播告之終誕彌率土卽國之郊作辟廱
廢科舉以復里選之制非聖賢之書與元祐術學悉禁
毋習乃洎日之良臨靡視學延見多士庶以好爵朕心

庶幾焉傳不云乎以善養人者服天下朕之迪士至矣
其不應俟志以從上之欲則將一道德同風俗追成周
之隆以駿惠我

神考豈不踴歎付辟靡

四日

碑無立石年月朱朗齋云據序稱三年告成車駕幸
焉詔國子司業臣綢臣靜云云攷宋史徽宗本紀崇
甯三年十一月甲戌幸太學遂幸辟靡賜國子司業
吳綱蔣靜四品服學官推恩有差則此碑系之崇甯
三年十一月也宋史無賜詔明文得此可補其闕詔

內建置校學應是學校之誤播告之條條誤作修

左山

金石志

碑下方有後序試大司成薛昂撰書司空蔡京奉

敕題額知德州軍賀宗賢奉聖旨立石此其上截

也播告之修見書盤庚篇山左志疑修為條字之

誤非

元祐黨籍碑

嘉定四年八月既望 萃編載

元祐姦黨

無此四字張夙在鮮于張裕在陸表陳祐祐作

右元祐黨籍蔡氏當國實為之

徽廟過悟廼

詔黨人出籍

高宗中興復加褒贈及錄其子若孫公道愈明節義
凜凜所謂詘於一時而信於萬世矣其行實大槩則
有 國史在有公議在餘官第六十三人迺暉之曾
大父也後復官終提點杭州集真觀贈正奉大夫暉
幸託名節後敬以家藏碑本鑲諸王融之真僭巖以
爲臣子之勸云嘉定辛未八月既望朝奉郎權知融
州軍州兼管内勸農事古雪沈暉謹識右刻在碑下方
萃編於標題下載是碑而未錄下方跋語兩碑互
異亦未盡舉並補之碑刻於真仙岩時在嘉定四

年八月依原次別列於此不類入岩刻

黃庭堅蒙泉二字

拓本高四尺四寸廣二尺二分一行字徑一尺五寸旁款一行字徑二寸俱正書在湖南石門

蒙泉 申陵黃魯直書

蒙泉在花山有二泉宋紹興初黃魯直爲章惇蔡卞所忌貶涪州安置戎州黔州又改宜州經此題蒙泉

二字於石壁

澧州志林

石門縣方頂山有蒙泉二字正書大徑一尺五寸許

其右有小正書申陵黃魯直書六字陽文凸起

古泉山館

金石文編

右山谷書蒙泉二字土人云懸之堂宇可以辟火
信然邪案湖南通志花山在石門縣西十五里山
下有蒙泉方頂山在縣西一里今此題字不在花
山石門新志謂明人摹刻

八瓊室金石補正卷一百十

太倉陸增祥撰

男 繼輝校錄

吳興劉承幹覆校

宋二十九

王氏雙松堂記

高三尺二寸五分廣二尺八分廿行行卅八字字徑五分
行書篆額斷缺存氏松記三字可辨在洛陽存
閣古

王氏雙松堂記

昔夏后初都陽城南踰洛陽百里而遠成湯遷亳殷東
踰洛陽五十里而近皆舍洛陽而不都周興武王□宅

鼎郊鄆厥後召公宅洛邑周公營成周其意盛矣而成
王卒不果遷逮夫宣王中興自鎬之洛狩于圃田及于
敖山因以朝諸侯車攻之詩作焉豈不欲成周召之志
歟且宣王嘗狩于岐而石鼓之詩亦偉矣夫子乃舍而
不錄得非岐之狩爲常而東都之狩非常乎惜夫宣王
卒亦不果遷也至平王是遷而周衰矣尙復何言□是
三代之盛所遺而不□者氣象轆轤輪囷鬱然發而不
施山含輝而餘秀川澄淵而軼潤草木得之異態日新
其在風俗逸豫安舒特宜夫搢紳先生潛養之適也盖
自李耳爲周柱下史而來風流高矣而遠不勝道姑以

近世三人者識之唐廬仝之隱不資嵩高少室之雄而
近在城闕之中草屋數間閉門不出者以歲紀論微韓
愈殆莫知其賢哀帝時宰相楊涉之子凝式於學無不
通嘗諫其父立唐而復呂相梁不得志曰陽狂一時終
五代賢者誅戮□□□之際逸樂白首其中盖有大過
人者視其丹青遺像知其爲偉丈夫而筆墨之妙凜然
生氣猶在也自慶祿來康節先生邵堯夫貧居天津之
南獨明先聖之道不老不釋卓然振千古之絕□頗苦
志著書而精深難窺矣 天子嘗命之官不得辭而
身不出公卿大夫樂從之遊而莫能名其器旣死而名

益高夫此三人者唯洛陽之宜也所謂逸豫安舒之風
蓋可觀已嗚呼名有帝王山川之勝而□□□高人靈
士之奉坐通四海九州之湊何其盛哉以故公卿大夫
功成得謝危樓傑觀水竹花卉之麗甲天下而不以爲
侈繩樞甕牖之生終日欣然亦自以爲得孰非所宜者
王君聖徒庭鯉世爲洛人躬築別墅建春門裏植雙松
以自見其志回以雙松名其堂日與平生故人徜徉圖
畫壺觴之樂四方之賓客如歸爲靡不適可且自歎曰
吾老矣恐不得如吾松之壽也而吾之志則不可不著
之異日於是懇予文以記于石予回道古今之所以然

者書之使後之遊者得以賞焉崇甯四年四月十六日
嵩山晁說之記詠之書雲□許驥篆額

□□刊□

右雙松堂記在洛陽存古閣晁說之撰晁詠之行
書許驥篆額案記爲王氏作文云王君聖徒庭鯉
庭鯉當卽其名聖徒當卽其字晁詠之字之道鉅
野人史附其兄補之傳初爲揚州司法參軍擢進
士宏詞二科爲河中教授元符末以論事罷官久
之爲京兆司錄秩滿提點崇福宮計書此記時當
在赴京兆以前也晁說之端彥之子字以道登進

士蘇子瞻以文章典麗可備著述科又薦於朝以爲自得之學不踐陳迹元符中以黨籍放斥不許入國門後終於徽猷閣待制計作此記時正在放斥之後故惓惓於高人處士也又記敘楊涉之子凝式云云攷新唐書楊收傳後云涉昭宗時仕至吏部侍郎哀帝時進同中書門下平章事爲人端重有禮法方賊臣陵慢王室殘蕩賢人多罹患涉受命與家人泣語其子凝式曰世道方極吾嬰網羅不能去將重不幸禍且累汝然以謙靖終免于禍此記所稱諫父及陽狂事史皆未及致詳案無

舊唐書檢閱宏簡錄敘涉事有唐亾事梁改門下
侍郎在位三年數語意凝式嘗諫其父史臣略之
耳宏簡錄又云凝式有文辭善筆札厯事五代官
至太子太保亦不言其陽狂避世又記敘康節先
生事云天子嘗命之官者攷史傳云嘉祐中王拱
辰以遺逸應詔授將作監潁州團練推官皆固辭
不至卽記所稱不得辭而身不出也

石門題刻廿七段

在褒城

王士冲等題名

高一尺六寸廣八寸
四行行字不一正書

王士冲晉明段

□□□□□□□□

楊達王□□同遊崇甯乙

西閏□月九日

萃編載有楊達一刻年月日與此俱同而所記高廣尺寸倍於此刻豈別一題名而我未見之邪此刻月日下卽李峯等分書題名當列於慶元年間萃編卽係於楊達之後未見其慶元二年一刻耳
沖筠清館作升

閻邱資深等題名

慶元二年二月萃編載卷一百四十三

王盆

分書二字徑八寸四分在題名之上萃編失載

玉字作王點在中畫之上後人分玉王爲二音非古也

趙公茂題名

慶元二年三月 萃編載卷一百四十一

朱咏道遊

缺道遊二字

三酌于此

缺三酌二字

章邵等題名

高一尺八寸廣四尺三寸九行行四字五字字徑三四寸不等正書

章邵李峯魏拱之張應卯章升之趙昇章復之以慶元

二年立夏前一日來邑令張寅尉李師章載酒相從

郭嗣卿等題名

慶元四年十二月六日 萃編載卷一百四十三

戊午嘉平月初六日

□來男

□

釋侍

午字已下四行全缺

章邵再題

一行三字字徑三寸許正書

章邵來

右刻在縣尉王某題名之左

趙昇再題

一行五字字徑三四寸許正書

資中趙昇來

章升之再題

一行五字字徑二寸五分正書

章升之重來

右二段在一石上以上三人名俱見前刻附慶元

末

宋之源等再題

高二尺二寸廣一尺三寸三行六字字徑三寸五分正書

宋之源胡端慤李師章胡中正來游

萃編載有宋之源等修禊一刻故以再題別之訪

碑錄載宋之源別有一題名在淳熙十四年二月

未見拓本李師章名已前見附慶元末并知修禊

一刻亦在慶元時

劉中□等題名

高一尺六寸六分廣二尺五寸九行行五字正書

東平劉中□□嗣□□□□□泛舟龍江□□□□□

石門□□□□之□□□□永晝□□乃還嘉之戊辰清明

□三日

安丙題名

高一尺一寸廣四寸五分三行行八字字徑寸許正書

嘉定閏月既望太守安丙同李侯貴來孫明孫慶侯之

二子侍

萃編載安丙玉盆題名係嘉定己巳閏月所題此

題但書閏月不詳何年以彼刻證之知爲嘉定二年已巳也是年閏二月此云閏月者閏二月也其年八月安丙爲制置大使此在閏月尙是知興州時故稱太守侯卽侯字疑是邑令故末云侯之二子侍据此又知玉盆題名貴上所缺亦卽侯字

安丙詩

高二尺廣一尺三寸詩四行行七字款半行字徑二寸餘行書

凌晨走馬過花後先玩玉盆次石門細想張良燒斷處

崑間伫立欲銷魂

晶然山叟

晶然安丙自號也其所著詩名晶然集此詩蓋安丙所作附其題名之後案郡國志云中間谷道褒

水所流昔張良說高祖燒絕棧道曹操出斜谷臨
漢中諸葛亮由斜谷取郿皆此道也此詩云張良
燒斷處者蓋卽指褒谷也元和志云褒谷在褒城
縣北五里

高迅題名

高二尺七寸廣五寸二行行
十九字字徑二寸許正書

歲次辛未閏二月制置大使司提榷修造官高迅
軍匠修葺山河三堰共用□役玖仟餘工記

陝西通志引府志云堰界石在縣東三里龍江中
上一石橫刻使府打量到下鑄古界從此石至南
大宋乾道元年十一月初五日眉山史可觀記下

一石鑄制置大使司提修造張儀准相命檄自嘉定三年至七年督責軍人董工治堰嘉定七年二月記此刻但紀干支而不見年號蓋卽志所稱治堰之役也辛未是嘉定四年是年閏二月與此亦合其時爲制置大使者卽安丙也山河三堰者褒水一名山河水故名山河堰引黑龍江水分三堰水入縣界南流至雞頭關下築堰截水爲第一堰名鐵椿堰相傳以柏木爲椿又南流三里許至縣東門外爲第二堰乃山河堰之正身其下植柳築坎名柳邊堰第三堰在城南五里龍江下流砌石

爲堰流二里至三橋洞分兩派爲東溝西溝其間
支分小堰不下十餘要以三堰爲統宗焉此刻前
有杜珪已酉四字後有一楊字

劉參題名

嘉定四年閏二月
編載卷一百四十一
萃

孫記回

缺孫
侍行
侍誤

施□□等題名

高一尺廣六寸五分四行行
五字字徑一寸五分正書

□城施□□□川白巨濟寶慶丙戌□同來

川上是潼字以後刻知之

趙彥呐題名

寶慶二年
萃編
載卷一百四十一

趙彥呐敏若

缺呐敏
二字

陳隆之

缺陳
字

西井

井誤
村

古繁

缺古
字

晉牀同徠

缺晉字

抵竹潭

缺抵字

袞雪

缺袞字

石刻

缺刻字

袞

雪

缺袞字

趙彥呐史有傳嘉定十二年關外西和州新被兵
制使安丙檄使經理在州五年得軍民心轉提點
刑獄尋遷沔師寶慶元年移帥興元會鄭損棄四
川退保三關彥呐力爭之不勝罷歸此題正其帥
興元時也其後爲四川制置副使加直龍圖閣端
平元年陞正使兼知興元府以兵敗貶衡州又吳
執中傳有劉炳云劉炳與弟煥以通律呂爲大司
樂遷給事中惟係蔡京同時人被劾後史又不詳

非卽此劉炳也然別一刻有弟煥云云又似卽劉炳之弟或卽其人姑識之

曹濟之等題名紹定二年 萃編載卷一百四十一

玉盆分書字徑四寸餘在題名之上萃編失載

此與閭邱資深郭嗣卿兩種皆玉盆題名也今併列於石門諸刻之內

趙□辟題名萃編載卷一百四十一

充國趙□辟缺充國二字紹定庚寅缺紹定二字令□煥缺煥字來缺來字

叙二字并少空一格

右刻在文玉恩題名右萃編未審出年號卽附於

文玉恩後今補之

段从龍題名

高一尺四寸廣六寸三行行字不一字徑寸餘正書左行

戊申春漢中段从龍至

邑人李宗賢

偕行

段从龍疑是段雄飛之字戊申疑是清熙十五年

康衢等題名

高一尺五寸五分廣一尺三寸三分四行行五字末行四字字徑二寸五六分

正書

康衢□桂孫程仲革弟中震攝令同徠戊午秋季

程仲震等題名

高一尺二寸廣一尺八寸五分五行行三字字徑三寸許正書

程仲震張奉先吳貴馬嗣安載酒同徠

弟煥等題名

高一尺四寸廣一尺一寸三分四行行八字字徑二寸二三分書

弟煥後一日約客□中甲姚祁李□之張承祖王其暘

姝癸中同來子艮中侍

范季和等題名

高一尺七寸廣一尺三寸三行行五字字徑三寸許正書

范季和李壽之黃仲可呂□父來游

縣尉王□等殘題

高一尺五寸廣一尺三寸可見者五行行字不一正書

縣尉王□□□□父叔弟□□□□石門奉尊

命□生叔□□□□九□□後不

可辨

王下似是龍字筠清館作忠殊非字多殘泐四行

以後尤爲章邵來三字所掩

賈哲題名

賈括字三德

在曹濟之熟食日題名之後一行當是別一刻此
下尙有一題僅見行首李字日字

題字兩種

石門

分書二字徑一尺二寸許

袞雪

橫列二字分書大徑二尺許

右石門題刻廿七段萃編未載者有廿焉補錄之
筠清館所載尙有淳熙戊申宋之源等紹熙甲寅

元章書

黃庭堅書達摩頌

高三尺廣一尺九寸頌三行行五字六字字徑四寸許左右題款二行小字並正書橫額四字分書在登

封初祖菴

祖源諦平

字徑三寸餘

文思副使提點尤廂諸監段綽題額

少林九年垂一則語直至如今多方賺舉

寶錄檢討官著作佐郎黃庭堅書頌

在碑右下方

朝奉郎知河南府陵墓令兼知永安軍同簽書兵馬司公事輕車都尉賜緋魚袋張宗著立石

湖石林虞題記

高一尺二寸七分廣九寸七分十一行
行廿字字徑五分正書在湖州府署

度支郎中鮑公嘉祐七年壬寅歲來守吳興留題名字

刻于□圃之山石及木□之幹大觀元年丁亥歲公□

太□□□□□□□□守下車之初首訪舊題得石刻

于墨妙堂之南得木刻于逍遙堂之北於是會客圃中

發□□題且與虞步至石下拂塵蘇字後得我先文節

公題字於其側文節公守湖當元祐二年丁卯歲距嘉

祐壬寅凡二十六年二公所題固有後先而並刻一石

若同時者逮今四十六年而僕卿與虞兩家子人一日

偶至石下同覽遺刻相顧恍然念棠陰之未改愴手澤之猶新感今悲昔乃書其事于石云大觀元年十二月望日通判州事林虞題

右題名正書刻於太湖石上乃六客堂舊物也按文鮑僕卿與林虞兩家先世皆任湖州守茲因手澤感事續題考舊志鮑氏仁宗時有湖守鮑當鮑軻必有一于斯林氏任湖守者湖州牧守題名碑有林希注云朝請郎充集賢殿修撰元祐二年八月云云與碑文頗合當卽其人虞字季野有元祐七年烟霞洞題名見集中

兩浙金石志

第三行太字浙志作大非蓋卽太僕之太也餘亦多審出七字碑泐處仍据志補之嘉祐元祐鮑林二刻今不復存殆別刻一石歟

學校八行八刑碑

連額高五尺廣二尺四寸廿七行行六十一字又銜名二行字徑七分額題御製學校八行八刑之碑十字並正書在臨潁

御製學校八行八刑條

准大觀元年三月十九日奉

勅中書省據學制局狀准本局承受送到 內降奉

御筆批學以善風俗明人倫 至仍關合屬去處

登仕郎行潁昌府臨潁縣尉管勾學事臣邵世卿
登仕郎行潁昌府臨潁縣主簿管勾學事臣劉文仲
從事郎行潁昌府臨潁縣丞管勾學事杜欽益
通仕郎潁昌府縣令管勾學事臣聶份建

卽蔡京所題大觀聖作碑也萃編載興平淳化高
陵臨潼四種此碑無刻石年月仍依原次列之是
碑當時多有今存者山東九種觀城臨朐荷澤城
武諸城泰安新泰章邱臨邑陝西六種除已載外
藍田武功均有之河南三種除此碑外偃師滎陽
均有之江蘇惟句容有之共十九碑也

又萃編載卷一百四十六在高陵

酒稅缺酒張璪缺璪史敵缺敵

夾山寺鍾款

篆書四字字徑三寸七分款
二行行十四字字徑寸正書

皇帝萬歲篆書

澧州夾山靈泉禪院衆緣鑄造永充

常住宋大觀三年己丑歲五月初四

夾山寺鐘宋大觀三年五月鑄重萬斤石門縣志

右夾山寺鍾款在石門湖南通志失載四篆書環

列四周款在歲字皇字之間案石門志云夾山寺

卽普慈寺唐時建又云夾山在縣東南三十里古
靈泉寺地又云夾山本僧善會道場世傳善會未
入山時荒谷無人有周野人者廬其中貌極兇惡
人至輒食之師入求宿適野人外出其妹令速去
吾兄食人善會云不妨有頃周野人歸欲加害師
以水喫之遂黏壁不得脫野人告哀求免師命回
心野人皈命乃釋之今爲夾山伽藍有塑象在又
師住夾山僧問如何是夾山境師曰猱抱子歸青
嶂嶺鳥銜花落碧巖泉楚寶云善會廣州人姓廖
氏中和元年示寂諡曰傳明據此知夾山之緣起

當在唐末志於慈靈泉亦不詳其建置廢復之由
殆不可攷歟

葆真觀記碑

高五尺一寸廣二尺九寸二十五行行三十九字字
徑八分正書橫額題勅賜葆真觀記六字古篆書在
江平

岳州平江縣

勅賜葆真觀記

右朝議大夫知岳州軍州管勾學事兼管內勸農事
輕車都尉借紫鞏捧奏請觀額并立石

朝請大夫直秘閣新差知江州軍州兼管勾學事兼

管內勸農事兼江南東路兵馬都監上柱國黃誥撰

大觀元年秋九月

天子祀

神宗於明堂

澤及四海乃降

勅書以岳州平江縣道巖爲葆真觀此千歲一遇也去
幕阜山四十里有巖石焉蟠地而大挿天而高其中空
虛了無一物東西透徹車馬往來其廣可以架屋百楹
巖之上下流水灌注源源不絕此天池也遠巖四柱森
然相望若有所獻此香鑪峯也南一峯仰視霄漢有軒

昂不可屈之勢此席帽峯也北一峯深入煙霞與星斗
爲鄰此雲蓋峯也有試劒石此許吳眞君駝邪斬蛟之
故事也有燒丹爐此葛艾先生修鍊飛升之遺迹也有
井深不可測故神物蟄藏於其中每歲閏雨鄉人祈禱
頃刻而應至於名花茂草珍禽奇獸開落飛鳴千狀萬
態非筆墨所能盡唯覽者自得之風俗相傳謂之道巖
或謂之崇仙觀其興廢本末不可得知而其巖石蓋自
天地開闢之初已融結剖判如此埋沒於當年顯煥於
今日謂之千歲一遇非過論也先是洪州西山逍遙觀
道士胡元周經歷巖下徘徊不忍去乃披荆棘具香火

作章醮爲人祈福信善之士翕然歸嚮爭出財力與之
修建凡十五年自門庭至於殿宇自殿宇至於堂奧莫
不完備守令監司論奏

朝廷以葆真觀爲額可謂幸矣昔者東郭順子人兒而
天緣虛而葆真物無道正容以悟之使人之意也消人
以言其僞天以言其真也凡人之情莫不緣物而動目
緣色耳緣聲鼻緣香舌緣味心緣嗜欲五者交戰則人
僞長而天真滅矣此緣虛所以能葆真也德行不足語
言有餘物無道正容以悟之不待語言而自化也無意
則真有意則僞使人之意也消莫不真也古之道術有

在於是者多矣而南華老仙獨稱東郭順子豈非葆真之士不易得哉使郡邑之中山林之下有如東郭順子則人人舍僞而從真不煩號令之督責刑罰之驅除而內外治矣然則

朝廷美意可謂深切著明而冠褐之徒安得不勉□以報萬分之一乎大觀三年五月二十□□□記

右葆真觀記碑在平江同治甲戌平江令麻竹師

維緒

按拓見貽湖南通志失採通志引一統志云

道巖山一名香鑪山引岳陽風土記云在縣東下有老子祠上有仙壇丹竈有池歲旱祈禱有感有

許旌陽試劍石又引輿地紀勝云山在梅仙山之東四十里有兩峯南曰席帽北曰雲蓋又有巨石中竅而邃東西可輿馬往返容屋百楹上下流泉不竭又引明統志云山上有天池又有香爐嵒又引縣志云山在縣東九里有七星石有龍湫龍影洞巖之後有艾仙壇又引明史地理志云縣東北有幕阜山一統志云幕阜山在縣東北接江西界梅仙山在縣北三十里高二百餘丈岳陽風土記云山在幕阜之麓又寺觀門引舊志云葆真觀在縣九十里舊名道巖宋崇甯間賜今名有葛艾

二仙壇及燒丹鑪試劒石九老題名諸勝蹟記所述悉與志合惟賜額在大觀元年志以爲崇甯間者尙係約略之詞道巖一名崇仙觀爲胡元周所營建則志皆未及知也捧疑卽捧字鞏捧知岳州志亦不載黃誥字君謨平江人通志引南畿志云熙甯三年進士爲長沙簿章惇開梅山增畝稅誥力請罷之徙知益陽尋居喪廬墓芝生六十餘本紹聖三年以朝散郎知歙州勅學舍後遷湖南提刑仕至太府卿至直秘閣知江州軍則未之及也其在知歙州之後邪

黃誥道巖詩碑

高五尺一寸廣二尺九寸詩十行行廿八字前後四
行行字不一字徑寸許行書橫額題黃左司題道巖
六字古篆
書在平江

題道巖二十韻

道士元周其姓胡朝來遺我仙島圖一堆磐石東西向
鑿破混沌中心虛欲知地面深且廣架屋百楹端有餘
天池高下相灌溉四柱卓立擎香鑪席帽近南猶仰視
雲蓋一峯蟠北隅前崑後崑爲表裏直過可以肩籃輿
吳許遺留試劒石葛艾棄置燒丹爐當時俗眼固不識
一旦脫屣朝清都至今丹井泉源湧下接三江連五湖

春來桃李開錦繡宛在武陵溪上居人間酷熱不能到
清風白水搖芙蕖霜飛雪落萬木死玉葉青青長不枯
三清殿前拜章夜香遶眞儀七十軀月光射入嵌空內
皎皎寒氷在玉壺老龍耽睡忽驚覺一霎萬頃霑膏腴
物無疵癘年穀熟有感則通如台符本朝圖經自該說
厥後荒廢成邱墟元周抵掌來必葺十四年間復古初
崇甯 天子降明詔廢者使興傳聖謨郡邑何時能剡
奏華封之祝相驩呼

崇甯五年八月十八日江夏黃誥作 開巖建觀住
持焚脩元都三洞道士胡元周立石

左司學士崇甯五年八月十八日作此詩未幾守令
監司又行論奏 朝廷遂得葆真觀額豈非是詩兆
歟神仙巖穴顯煥於今日與天地齊久詩亦不泯也
門人羅衡謹□

右黃誥道巖詩刻在平江葆真觀碑之陰麻竹師
以此爲碑陽以余度之此當是碑陰也詩作於崇
甯五年刻石在賜觀額之後記與詩蓋同時上石
也黃誥爲平江人自署江夏者舉其郡望也通志
山川門附載此詩葛艾誤葛丈固不識之固作故
脫屣作脫履嵌作隙皎皎作皓皓耽作隱來作謂

間作來要當以碑為正

崇福宮石刻二段在登

張杲題名高一尺三寸七分廣二尺七行行六字字徑一寸五分行書後三行字徑四分正書

權發遣京西轉運使張杲被旨詣嵩山崇福宮安

挂御賜二門牌大觀庚寅十一月二十九日至此

大觀四年十二月一日崇福宮主道主道士王□名

立石

將仕郎縣尉兼主簿丁晏

宣德郎知登封縣事唐慤

盧剛練題名高二尺廣一尺九寸四行行五字字徑三寸許又前後小字各一行俱正書在

登封

缺
盧園練留題

川仙裔值雪留兩日宣和庚子歲冬至後三日題

元素大夫靜正法師知西京嵩山崇福宮事張若柔

摸勒上石

聶□刊

南嶽觀音贊

高二尺八寸廣一尺六寸十七行
行廿八字字徑七分正書在登封

南嶽觀世音菩薩贊

覺印禪師子英少爲比丘事善知識於諸佛法未得悟
入嘗居南嶽寺一夕夢觀世音菩薩坐其室中英稽首

求哀觀世音不谷徐舉淨瓶稍稍振之瓶中有聲如百
千妙樂合奏成文曲終召英灌以香水蒲掬英頓覺心
耳娛悅神情開達後數日豁然契悟遂圖觀世音菩薩
像如夢中所見者凡六坐道場必以自隨大觀四年春
罷普照禪席將遊嵩少忽謂法照童子曰汝法器也宜
奉此像乃以授之童子歡喜歸示其父雪川張大亨父
卽頂禮觀世音菩薩足已爲叙其事且欲重宣此義而
說頌言

廣大智慧無與比 普觀一切皆圓音 根塵旋復
自聞聞 是故得斯清淨耳 衆生垢重不自覺

隨聲轉故迷本聞

大士慈力爲冥資

示以普門

如幻法

我觀瓶相如虛空

以大悲故流香水

恒出種種解脫音

聞者悉成無上果

願此童子

及我等

一切皆得從中證

還於莊嚴衆具中

演說如是普門法

政和元年五月初五日覽廣信軍通判朝奉嘉甫觀
音菩薩贊深契妙理寄普照覺印老師智通等特刊
石於少林祖師道場傳布四方使見聞者悉證普門
三昧前住持嗣法智通住持嗣法孫惠初同立

陳忠顯刊

在首行下

西河普濟寺記

高三尺三寸廣一尺九寸廿三行行
四十四字字徑五分正書在澄城

西河新修普濟寺記

距馮翊郡之北九十里其屬邑曰澄城縣縣西三里澗
行而南百餘步谷曰金沙有泉出于山谷之間世傳曰
洗腸泉卽東晉高僧佛圖澄開脇浴腸之地也師之靈
異晉記言之詳矣遼遼曠古聖跡具存高山蒼蒼流水
湯湯孤雲裴回仰清風而不忘觀其圓明一鑑涵畜萬
象升之可以致雲雨酌之可以愈疾病故民間水旱疔
疫必禱焉應驗如響人加畏信相與勸飭荆寺宇於泉

上以爲大衆祈禳歸依福地大觀丁亥冬馮翊久不雪
麥苗未滋且慮來歲之歉郡侯郭公長卿遣使具蒲塞
之饌嚴潔致祀迎酌泉水而供事之越翌日而瑞雪應
祈闔境霑之歲迺大熟郭侯表其事于朝 天

子嘉賞至大觀戊子四月錫師以眞顯法師之號大觀
己丑有 詔毀天下寺之無名額者太守李公愼

由汶邑人之請具以靈泉寺屋滿三十楹之數上之

詔遂不毀仍

勅普濟之名以爲寺額李侯親書其榜揭示無窮六使
後世知寺獲普濟名者自李侯始也舊泉之東上皆土

山其高數百尺岩巖斬絕雖樵夫牧孺不能留旦其地
邑之大姓曹師仁之所有也曹念法師神異綿歷七百
餘祀今旣膺

天子寵命蓋宜崇飾梵宇奉安神

像使之輪煥壯麗以爲邑人美觀不亦可乎於是盡施
泉上之地以爲寺址有比丘尼法遠苦形勵志力願成
就命工懇斲削土山而平之剗攘榛穢始□始基法遠
布衣一襲糲飯一盂卑辭下色謹募檀越往來城中日
十數返冽寒酷暑志不少替邑人視遠之勤嘉遠之志
揮金爭施樂助緣事桴楫瓴甌遐邇輦至鳩工聚材卜
日而就三門峻峙而廡翼立堂屋厨庫皆有法度粥魚

齋磬因不嚴肅東敞高閣層倚巖腹眞顯之像處其下
西構清軒俯臨溪流以爲土庶行樂宴賞之勝然寺踞
河上高倍十丈每歲夏秋之交雨水暴漲泉之東岸旋
葺旋壞大觀庚寅汝陽王公浹授

天子命作宰

是邑或爲民祈請或行春布令輟車駐旆屢至寺下一
日據軒愕視曰水所以爲東偏患者以河西巨石礮礮
隱伏地中障回水勢而不得西此所以東岸受其患也
因自給俸廩募石工疏鑿以殺水東之勢乃諭遠以丐
化石如柱礎大者三千有奇積起爲岸以護河水泛溢
之患以爲永遠堅固之利遠如大夫指閱歲而功告成

自是眈眈沈沈莊嚴靜深爲香花之芬馥閑鍾磬之清
音榎楠杉檜翠陰蕭森溪聲漱玉嗽溜鳴琴禪侶燕坐
如鷺峯之與雙林又有桤李以茂陽春之華亦有松竹
以固歲寒之節夏風如焚則就濯匱谷金沙之泉秋霄
氣清則坐延堯山金粟之月顧寺之興豈特法師蓮鉢
一勺之水可以爲雲雨而澤萬物至於四時敷榮之景
凡可以供耳目之娛者又且使人樂之而不厭卽以利
物又以便人孰不曰瞿曇氏之教政和王辰孟冬初吉
邑人曹景儉記

少陵王忠書

陳仲文刊

越州新學碑

高五尺廣二尺五寸五分廿三行行四十七字字徑六分餘額三行題越州新學之碑六字並正書在紹興府學二門西側

越州新學碑

朝奉郎守尙書度支郎中知越州軍州事兼管內隄堰橋道勸農提點銀場兩浙東路屯駐駐兵馬鈐轄護軍借紫張伯玉撰

治平元年夏四月丁卯越州新學成先時學舍近市隘囂靡宜厥居嘉祐中始於州之東南隅得爽慘地平衍高古敞然一方喬木渟水有泮林之象焉始作大殿直

庠門歸然徙 夫子舊像南面顏充公西嚮配坐東西
兩廡圖畫七十二子洎二十有二先儒孟荀揚文中四
子之像其東廡之後別爲祠堂齋宮一區藏鑄祭器益
嚴繇殿後越敞庭夏屋言言環坐重席者可三四揭之
曰公堂旦夕講勸歲時鄉射之宅也繇堂東西翼于庠
門列爲齋舍甲乙以次各有名版學者居多益寧堂東
學鼓之南書大榜條其篇目皆學中規爲之法也諸生
服膺無譁望之肅如也庚辰守將伯玉率僚佐洎師儒
宿于齊宮辛巳質明用牢醴將幣奉成于 先聖先師
旣徹遂升于公堂與祭者咸坐大約以鄉飲之節發成

之于時州人故老堵立而歎曰偉哉學也我髫壯所未
睹逮黃髮見之矣成是美俗世爲善長者其在茲乎於
是序廩充然而進曰維東南越爲大州今茲學又爲東
南最始州將渤海刁俟擇地卜築基之矣會解去繼以
紫微吳興沈侯勇爲之僅完矣又易地于杭故遲之凡
三年君侯至而成之夫能以近而致遠俾後而知今者
莫如言昔者魯僖公叔世之諸侯也能興脩學宮國人
頌之仲尼興之洋洋之聲到今不絕者言也君侯立唐
虞之朝策名涖官所至以職學爲任宜乎爲我屬爲文
詞刻于金石俾聲于無窮可也伯玉固辭曰惟是寡學

不敏不敢賦且逾月不得免因覃思撫實作新學之詩
凡四章一章十有六句言經始而成之也二章十有六
句言來學之盛也三章十有七句敘學化之流行也四
章十有二句志其悠久抑又裨之也其詞曰

芒芒禹跡越爲大區重山複川不冒海隅浸被
王澤惇古服儒服儒伊何新學鼎成邃殿高閣
廣廡脩庭有翬其楹有覺其楹貌聖圖賢炳燿
丹青歲時國祠丕鑠王靈夏屋長廊分厥
攸居咸有區處式安其徒其徒來學嚮若雲合
執經而趨震鼓發篋躋于公堂師友攸攝禮樂

是將詩書是業涵泳道真剔剪紛雜俾我善教
與時偕洽昔也學之未成惟君子是營今也告
厥成惟庶民是聽父詔于子弟服于兄曰民之
生偃偃冥冥好惡靡別惟學是明昔我闕囂今
也和平昔我辯訟今也靡爭納于善良協于太
宥繫學校是興稽山崔崔越水漣漪新學有奕
君子所作惟大中是師惟大化是禪不黨不渝
不蔽不欺俾民弗迷揭爲聲詩告于後人俾長
世無敦思

政和元年十月望日將仕郎充州學教授陸

友諒 重立石

奉議郎監在城稅務張勸書

刊者董彥

文云始州將渤海刁侯擇地卜築繼以紫微吳興沈侯勇爲之又易地於杭凡三年君侯至成之今以職官題名攷之刁約以嘉祐五年任沈遵以嘉祐六年任伯玉踵文通之後以嘉祐八年任經理修學之事至治平元年落成文中稱君侯者述州人頌已之辭據前文守將伯玉率僚佐云云可證乃萬厯志竟以屬之後任章伯鎮並言伯玉以治平元年徙郡去未

及觀新學落成撰文不自書其功者示謙也不知伯
鎮莅任在治平三年此記作於前一年文中無一語
及後任又何讓功之有此蓋因碑後政和元年十月
重立石一條致誤耳近時新修府志猶仍其謬故特
正之宋詩紀事載伯玉字公遠建安人第進士嘗爲
蘇州郡從事范文正舉以應賢良方正能直言極諫
科嘉祐中爲御史出知太平府後選司封郎中有蓬
萊集據此知其嘗守越州府志稱作張侍郎亦誤

金石

志

伯玉字公遠建安人子侯名約字景純潤州人沈侯

名邁字文通錢塘人按越學本吳監簿致捨宅所爲
今碑無一語及之何也或者監簿不欲有其名而伯
玉遂不書以成其高歟嘉泰志以爲闕文非是此不
當闕者也碑爲陸友諒重立則治平初似已勒石書
者張勸字闕道永福人元符三年登第距伯玉撰文
時已三十七年蓋亦重立時所書非從元碑摹刻者
友諒海鹽人大觀三年進士

越中金
石記

標題越州新學碑阮氏碑作記屯駐駐泊脫一駐
字式安其徒安作安闕作門昔我辨訟昔作告惟
大化是禪禪作日均誤至慘作燥侯作侯則碑用

俗字以正字改之耳

讀書巖宋刻六段

在臨桂

楊書思題名

高八寸五分廣五寸三行行字不一字徑寸許正書左行

朝奉郎通判桂州軍州事楊書思

政和二季九月晦

來

右刻在唐孟簡題名之右書思淮海人見疊綵山

龍隱岩謝勳題名內

孫覲題名

高二尺四寸廣二尺八寸九行行九字字徑二寸餘行書

孫覲北歸提點刑獄董弁招經略安撫劉彥適轉運副使陳堯轉運判官趙子巖餞于蒙亭飯後登鐵牛寺塔

徒步入藏院觀無盡老人畫像初寮道人書榜讀書巖所刻五詠晚集于靜寄紹興四年十月十七日

孫觀題名行書紹興四年十月在桂林府獨秀山

潛研

堂金石目錄

案孫觀字仲益晉陵人大觀三年進士政和四年中

詞科高宗朝仕至戶部尙書提舉鴻慶宮有鴻慶集

見宋詩紀事紹興元年十月龍圖閣待制知臨安府孫觀

提舉江州太平觀觀不爲呂頤浩秦檜所喜故引疾

而有是命二年閏四月孫觀除名象州羈管二相免

觀上書訴枉四年八月詔象州羈管人孫觀特放令

遂便

見繫年要錄

詔下於八月以十月奉詔北歸計時正

合粵西文載孫覲謫象州寓桂林喜其山水作十詠
蓋覲兩年謫寓元風洞冷水巖伏波巖諸勝皆有題
名此其刻石之一無盡老人張商英號初寮道人王
安中號商英仁宗時監荆南稅安中徽宗時知燕山
府遼降將郭藥師同知府事安中不能制藥師叛安
中累貶安置象州並見宋史本傳

金石續編

右讀書巖孫覲題名在臨桂獨秀山廣西通志山
在城東北宋太守顏延之讀書崑下有詩曰未若
獨秀者峩峩郭邑間宋元祐間郡守孫覽鐫曰顏

公讀書巖刻五君詠於石此云初寮道人書榜蓋
藏院之榜也崑石尙有唐孟簡及宋呂愿忠任續
范至能題名題詩諸刻未得拓本冷水岩題名觀
稱富陽故侯董弁字令升劉彥適字立道陳充字
景淵趙子巖字少隱蒙亭在伏波岩之左嘉祐中
經略吳及所建漕使李師中記之亭久頽廢紹聖
改元胡宗回帥桂林斥基而新之遂爲偉觀見粵
西詩載靖康元年張洵尙用之呂源李昇之葉宗
諤有唱和詩

蔣時題名

高一尺一寸五分
字徑一寸六分
行五

書

有宋乾道八年秋興安蔣時日新領其徒十數輩肄業

丐此敬識

蔣時題額

高一尺一寸廣二尺九寸題篆三字橫列字長徑八寸款四行行五字字徑一寸許分

書

雙清室

唐杜子美詩心跡喜雙清乾道九年秋蔣時日新刊

廣西通志失載雙清室三字殆未見也

常恭題名

高九寸廣四寸二行行字不齊字徑一寸三分許正書

淳熙改元冬常恭曾遊

王維則等題名

高一尺二寸廣九寸五行行字不一字徑一寸一分正書

金石補正卷一百十

三
吳興劉氏
希古樓刊

開封王維則拉張信之啜茶巖下山主華公預焉淳熙
十年歲次癸卯七月十九日

八瓊室金石補正卷一百十終